



Broj: 01-39-702/08
Sarajevo, 22.02.2008. godine

Temeljem članka 2. Odluke o načinu predlaganja predstavnika iz Bosne i Hercegovine u komitete, odbore i druga međunarodna tijela za ljudska prava, VM broj 16/08, od 24.01.2008. godine, Ministarstvo za ljudska prava i izbjeglice Bosne i Hercegovine, objavljuje

JAVNI POZIV

I

Bosna i Hercegovina ima obavezu da predloži nezavisne eksperte u komitete, odbore i druga međunarodna tijela za ljudska prava i to:

1. Komitet za ukidanje rasne diskriminacije,
2. Europska komisija protiv rasizma i netolerancije (ECRI),
3. Savjetodavni komitet Okvirne konvencija za zaštitu nacionalnih manjina (FCPNM),
4. Europski komitet za sprječavanje mučenja i nehumanog degradirajućeg tretmana (CPT) i
5. Komitet za zaštitu svih radnika migranata i članova njihovih obitelji.

Listu kandidata koji će biti predloženi iz Bosne i Hercegovine za članove navedenih međunarodnih tijela potvrdit će Vijeće ministara BiH.

II

Kandidati predloženi iz Bosne i Hercegovine u nadležna tijela UN-a i Vijeća Europe, treba da ispunjavaju sljedeće opće uslove:

- a) da su državljani Bosne i Hercegovine,
- b) da posjeduju odgovarajući stepen obrazovanja (visoka stručna sprema) i odgovarajuće stručno znanje i iskustvo za pravilno vršenje funkcije,
- c) da se na kandidate ne odnosi članak IX točka 1. Ustava Bosne i Hercegovine,
- d) da posjeduju priznate kompetencije iz oblasti ljudskih prava, visok moralni ugled, neovisnost u radu, akademska obrazovanja iz oblasti ljudskih prava, rukovodno iskustvo u oblasti ljudskih prava na državnoj, regionalnoj ili međunarodnoj razini, poznavanje sustava rada, mandata i politika UN, Vijeća Europe i drugih međunarodnih tijela za ljudska prava, poznavanje međunarodnih instrumenata iz oblasti ljudskih prava, normi, disciplina, različitih legislativnih sustava i civilizacija, profesionalno znanje jednog od radnih jezika UN-a.

III

Za svaku poziciju iz Bosne i Hercegovine predložit će se po jedan kandidat u komitete, odbore i druga međunarodna tijela za ljudska prava.

IV

Pozivaju se zainteresovani da prijave sa potrebnom dokumentacijom **dostave u roku od petnaest dana od dana objavljivanja Javnog poziva**, putem pošte preporučeno, na adresu:

Ministarstvo za ljudska prava i izbjeglice ul. Trg BiH, br.1, sa naznakom za Javni poziv.

V

Odluka o načinu predlaganja predstavnika iz Bosne i Hercegovine u komitete, odbore i druga međunarodna tijela za ljudska prava, VM broj 16/08, objavljena je na web sajtu Ministarstva, a objavit će se u „Službenom glasniku BiH“.